


87-17655



NETEMACHTILIZTLI.

In Itecpa in cè yancuican pahlti; inic in Macehualtin quimatizque iquin yeiman, quenin, ihuan quezqui quicelizque.

ININ pahlti ca huel cenca huei qualli, ipampacà yehuatica tepatilozque in ihuicpa in miec in nepapan cocoliztli. Auh inic quineltoçazque in Macehualtin ca mochi inin, in ye omitto, ca melahuac, quimatizque: ca in Tepatiliztzonequililanime in nican Mexico neml; oquittaque, ihuan oquitoque, ca qualli. Auh monamacaz ompa Tepatiliznamacoyan inicalnacazco, Botica Santa Inès, inixpan Tlatocayopanalli, campà mochihua in tomin. Auh in ipatiyò zan yez ahmo tlatzotli, ipampacà in Macehualtin ca huel huei icnotlacà; Yece inic yuhqui mochiuiz; quiqualeuizque in inteopixcahuan (nozo P. Cura, nozo P. Vicario) ce amatontli.

Inic centlamantli in moimatiz, ca quenin motocayoz inin pahlti? Motoca: *Tepitontepoztlaxcalli*: castillancopa *Pastillas de ferro*. In aquin mococoa, huelitiz omilhuistica, nozo yeilhuistica, quiquazome, nozo yei Tepoztlaxcallizintli, quenamie, ihuan iquin quinequiz. Yece iquacon ahmò quiquiz in xochiqualli xococ, ahmo no quiconiz coztic ocsti, ahmonotlachiqui, ahmo no castillan tlailli agua ardiente, nozo chinquirito, ahmo no mezcalli; ihuan zatlatzonco ahmo quiconiz mochi in tlein tetlahuanaltia; ipampacà iniquacon ahmo tepatiz, ca zan ocachi miec tecocoz.

Inic ontlamantli, in quimatizque in Macehualtin, ca yehuatin: ca inin tepatiliztli qualli yez iniquac intechcocoa in yollolico, ipampa ahuel quitemohuizque in tlaqualli. = Inic quitecocihuizque iniquac mimati, ipampa ye achto huel mococotcatca. = Inic quimpatizque iniquac tetetzilquiza, ahnozo atonahuia. = Inic quimpatizque iniquac mochi in intlalnacayo pozahu, xayacacoztia, amiqui, ihuan ahuel maxia, ahuel atl quinoquia. = Inic quimpatizque iniquac quac

in tlaocoyallizcocoliztli quipia. = Inic quimpátizque iniquac quipia in inxillanneapitzaliz. = Qualli yez inin tepatiliztli inic in cihuá quiquazque, iniquac inyolloixco quipia miéc in tetcuicaliztli; yecé nimanahmo quiquazque iniquac quipia innemetzhuiliz, cihuacocolli. = Noihuan qualli yez inic quimpátizque in ihuicpa in ocmiec in nepapan cocoliztli, in nican ahmo mīcuiloa, ipāmpacā in Macēhualtin cocoxque ahmoqualli quiximatizque.

Inic etlamantli; in nican ycxonexca, yetlamatzoa ca inin: ca iniquac Aca quinequiquiaz in tepuztlaxcalton-tli, qualli yez ca achtopa quittaz ce qualli tlamatini Ticitl, Tepatiani (intla āzo ompa in laltepeuh onca), ihuan quittlatlaniz: intla hueliti, nozō ahmo, quiceliz inon tepatiloni? Yecē huel monequi in quimatizque, ca nimanahmo quiquazque intla hueleēzoticate, ihuan intla in imixtellolo huel tlatlahualtica, nqzo huel totonia; ahnozo quipia tlepachi-huiliztli, ahnozo in imelpān xocoya.

Inic nauhtlamantli in quimatizque cayehuatl: ca iniquac Aca quiquaznequi inin Tepatiliztli, aui iniquacon mo-zauhtica, nozo ātle quipia in iyolloixco, qualli yez ca achtopa quiconiz tepitzin almendraschiahuacayotl tzopelic, ahmo ixpuxcauhqui, ahmo coztic; cazan huel chipahuac; ihuan huel in ihueliliz quipiez.

Aui zatepān inic macuīlamantli in quimatizque ca inin: ca macahmo quicelican in tepatiloni in, in āquique in quichicha inimezo; ahmono in cohuaciuhque, in immacueloa, inixicueloa, in tlalpan huetzi, ihuan miéc yztlaēctli, miéc āpopozoquillotl quichicha. Nican ontlami in temachtiliztli in monequi, in quimatizque in Macēhualtin inic quimpátizque. Ma in Totecuiyotzin Diōs quimonequilti ca inin Tepatiloni huel tlaontequixtilli yez, ihuan quimpalehuiz in icnotlacatzitzintin, quenāmic quelehuia in Temachtiani Bartolache, in quipia in tepatilizmachtilyān nican Mexicatlatcayonetechpacholiztli, in ipān caxtolihuitl in Metzli Agosto, in itechpohui in xihuitl, in mopohua Nauhtzontli, ipān macuīlpoalli, ipān yeipoalli, ipān matlaēctlionahui.

Hand
W2
27A
B292H
1774

